

Ժողովուրդ

49
(2715)

5 ապրիլի չորեքշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԱՐԹՈՒՐ ԶՈՎՋԱՆՆԻՄՅԱՆԻ ԽՈՒԼԻԳԱՆԱԿԱՆ ՊԱՇՎԱԾՔԸ



Երեկ Ազգային ժողովի մարդու իրավունքների պաշտպանության եւ հանրային հարցերի մշտական հանձնաժողովի նիստն անցավ շատ լարված մթնոլորտում, որի հեղինակները Ազգային ժողովի «Քաղաքացիական պայմանագիր» խմբակցության պատգամավորներն էին եւ հատկապես Արթուր Յովհաննիսյանը: Իսկ ո՞վ է նա եւ ինչպե՞ս երեկ աչքի ընկավ: Խոսքը նույն այն պատգամավորի մասին է, որ 2017 թվականին բերման է ենթարկվել ոստիկանություն՝ թմրամիջոցների ապօրինի շրջանառության հետ կապված ենթադրյալ հանցանք կատարելու կասկածանքով: Ավելին՝ անգամ քրեական գործ է հարուցված եղել, որը հետագայում կարճվել է: Եվ, ահա, ապօրինի թմրաշրջանառության հետ կապված գործի շրջանակներում ոստիկանություն տարված Արթուր Յովհաննիսյանը երեկ նիստում խուլիգանական պահվածք դրսևորեց, խոսեց սպառնալից կերպով, եւ սխալված չէնք լինի, եթե ասենք, որ նա հանձնաժողով էր առաքվել հենց այդ նպատակով: Ահա մի քանի դրվագներ. «Դուք ինձ լավ անելուց չէք տեսել», «Սրան ռադ արեք, թող գնա ստեղից», «Համը չհանես, խելոք նստի, ելույթդ կարդա», «Լեզուն կկտրեմ, ով կհամարձակվի անվանարկել մեր ժողովրդին»: Սխալված չէնք լինի, եթե ասենք, որ նրա այս պահվածքը հիշեցնում է, օրինակ, նախկին պատգամավոր Առաքել Մովսիսյանին, Վարդան Այվազյանին, Ռուբեն Հայրապետյանին, Մանվել Գրիգորյանին եւ մյուսներին, որոնց ժամանակին քննադատում էր նաեւ լրագրող Արթուր Յովհաննիսյանը, որն իր հերթին նոր անդաստիարակություն է դրսևորել, եւ այս փաստը պետք է անհետեւանք չլնա:

«Ժողովուրդ» օրաթերթը տեղեկացավ, որ երեկ ԱԺ-ում ձեւավորված 44-օրյա պատերազմի հանգամանքներն ուսումնասիրող քննիչ հանձնաժողով էր այցելել ՀՀ արտաքին գործերի նախկին նախարար Զորիաթ Մնացականյանը: Մենք տեղեկացանք, որ նա Ազգային ժողովում է եղել ժամը 11-ից, եւ նիստը տեւել է մինչեւ 16:00-ն: Մենք տեղեկացանք, որ նրան պատգամավորները տարբեր հարցեր են ուղղել, թե որպես դիվանագիտություն նախկիններից ինչ է ստացած եղել, եւ արդյոք դիվանագիտության մեջ եղել են այնպիսի սխալներ, որոնք կարող էին ունենալ վատ հետեւանքներ: Հարց է հնչել՝ արտաքին դիվանագիտության ոլորտում արդյոք ինչ բացթողումներ կամ քայլեր են եղել, որոնք կարող էին նպաստել պատերազմին: «Ժողովուրդ» օրաթերթի տեղեկություններով՝ արդեն ամեն շաբաթ այս հանձնաժողովը նոր մարդկանց է կանչելու տարբեր հարցադրումներ անելու համար, այսինքն՝ ինտենսիվ փուլ է սկսվել, եւ ցանկանում են շաբաթը գոնե երկու մարդ իրավիճակ հանձնաժողով, որպեսզի ցանկալի արդյունքի հասնեն:



«Ժողովուրդ» օրաթերթի տեղեկություններով՝ ՀՀ ազգային անվտանգության ծառայության միջնորդության հիման վրա՝ Հակակոռուպցիոն դատարանը երկու ամսով երկարացրել է գործարար Դավիթ Գալստյանի՝ Պատրոն Դավիթի կալանքի ժամկետը: Նշենք, որ ԱԱԾ-ն նրան կալանավորել է հունվարի 23-ին ԱԱԾ-ում քննվող քրեական գործի շրջանակներում: Դավիթ Գալստյանը մեղադրյալի կարգավիճակ ունի նաեւ ՊՆ նախկին նախարար Դավիթ Տոնոյանի քրեական վարույթի շրջանակներում անախտան հրթիռների գործով, որն արդեն քննվում է Հակակոռուպցիոն դատարանում: Քրեական գործի շրջանակներում մեղադրանք է առաջադրվել յոթ անձի, այդ թվում՝ ՊՆ նախկին նախարար Դավիթ Տոնոյանին, ՀՀ ԶՈՒ ԳՇ պետ Արտակ Դավթյանին, ԶՈՒ ԳՇ պետի նախկին տեղակալ Ստեփան Գալստյանին:



«Ժողովուրդ» օրաթերթի տեղեկություններով՝ ապրիլի 11-ին Երևանի քաղաքապետարանում կայանալիք արտահերթ նիստն իրականում տեղի չի ունենա: Խոսքն այն նիստի մասին է, որտեղ, իբր թե, պետք է ընտրեին Երևանի նոր քաղաքապետին: Ավագանու «Իմ քայլը» խմբակցությունը որոշել է գնալ այլ ճանապարհով: Մեր տեղեկություններով՝ որոշում է առկա, որ ավագանու անդամները չեն գնա, չեն գրանցվի նիստին եւ, հետեւաբար, նաեւ քվորում չեն ապահովի: Այդ նիստի ժամանակ Լեւոն Յովհաննիսյանը, որը հիմա կատարում է քաղաքապետի պարտականությունները եւ նախագահում նաեւ ավագանու նիստերը, կհայտարարի քվորման բացակայության մասին, եւ ընտրությունները կջեղարկվեն: Արդյունքում կունենանք մի իրավիճակ, երբ Լեւոն Յովհաննիսյանը կմնա ու կղեկավարի այնքան ժամանակ, մինչեւ տեղի կունենան Երևանի ավագանու հերթական նիստերը: ԶՊ-ամերձ մեր աղբյուրներն ասում են, որ այս պահի դրությամբ իշխանական վերնախավում որոշված է, որ այդ ընտրություններն արտահերթ կերպով չեն լինի, այլ կօգտագործեն այս ընթացքում առկա ժամանակը, որպեսզի լավ աշխատեն եւ սեպտեմբերին կարողանան մասնակցել ընտրություններին՝ Տիգրան Ավինյանի դեմքով: Սա է իշխանությունների այս պահի ծրագիրը:



«ԴԱՎԱՃԱՆ»

ՏԵՐ-ՊԵՏՐՈՍՅԱՆԸ ՀՈՒՇՈՒՄ Է

Վերջերս երեսանի կենտրոնում Կասկադում, աղմկահարույց միջադեպ էր տեղի ունեցել ԱԺ նախագահ Ալեն Սիմոնյանի մասնակցությամբ:

Հայրենադարձ Կարեն Մկրտչյանը, տեսնելով Ալեն Սիմոնյանին, ասել է՝ դավաճան, որից հետո Ալեն Սիմոնյանն իր թիկնապահներին կարգադրել է գալ եւ բռնել քաղաքացու ձեռքերը: Թիկնապահները կատարել են Ալեն Սիմոնյանի հրահանգը, իսկ վերջինս մոտեցել է քաղաքացուն, հայիոյիանք հնչեցրել եւ, բառի ուղիղ իմաստով, թքել է քաղաքացու վրա:

ՀՀ առաջին նախագահ Լեւոն Տեր-Պետրոսյանը երեկ արձագանքել է Ալեն Սիմոնյանի մասնակցությամբ տեղի ունեցած այս միջադեպին ու իր գրառումը «Ազգային խայտառակություն» վերնագրով:

Առաջին նախագահը նշել է, որ ԶԳ-ն պարտավոր է նախաձեռնել Ալեն Սիմոնյանի պաշտոնակազմի հարցը:

«Ժողովուրդ» օրաթերթը այս հարցի շուրջ գրուցել է ԶԳ խմբակցության պատգամավոր Վիգեն Խաչատրյանի հետ:

-Պարոն Խաչատրյան, քաղաքացին վերջերս ահազանգեց, որ ԱԺ նախագահը հայիոյել է իրեն ու թքել իր վրա. ինչպես կզնահատեք ԱԺ նախագահի վարքագիծը, ընդունելի համարում եք այն:

-Այն քաղաքացուն, որի մասին խոսում եք, ես նրա ոչ մի ասածին չեմ հավատում, բայց որ չի կարելի մարդուն վիրավորել կամ կոպտել, դա հաստատ է:

-Առաջին նախագահն ասում է, որ իշխող ֆրակցիան պետք է Ալեն Սիմոնյանի պաշտոնակազմի հարց բարձրացնի. ինչ կասեք այս մասին, հնարավոր է՝ նման հարց բարձրացնեք:

-ԱԺ նախագահի պաշտոնը քաղաքական պաշտոն է, Ալեն Սիմոնյանը ներկայացնում է «Քաղաքացիական պայմանագիր» խմբակցությունը: Կարծում եմ, որ



կուսակցության ղեկավար մարմինը պետք է այս հարցը քննարկի: Այս առումով Լեւոն Տեր-Պետրոսյանի հողվածը դիտարկում եմ որպես հուշում. կարծում եմ արժի, որ նրա առաջարկը քննարկվի խմբակցության բարձրագույն մարմնում:

Պետք է քննարկվի, ու անհրաժեշտ պատասխաններ տրվեն: Պատգամավորները, ԱԺ նախագահը, կուսակցության ղեկավարները պետք է ընդունեն, որ

հանրային ֆիզուրներ են, եւ նրանց գործունեությունը պետք է լինի հանրության խոշորացույցի տակ, ցանկացած սխալ պետք է մատնանշվի. սա նորմալ է: Եթե մենք ուզում ենք, որ մեր հանրության ներսում համերաշխություն տիրի, իսկ մենք դա ուզում ենք, պետք է կողմնապահություն չանենք եւ բոլորի սխալները շեշտենք:

Ջրուցեց ԶԳ-ի ՍՈՒՇԵՂՅԱՆԸ



ՀԱՆԿԱՔԱՐՈՋՉՈՒԹՅՈՒՆ՝ ԸՆԴԴԵՄ ԱԺ ՆԱԽԱԳԱՀԻ



ԶԳ-ում կրկին արշալույսները խաղաղ չեն:

Այս անգամ էլ ԶԳ-ականների թիրախում ԱԺ նախագահ Ալեն Սիմոնյանն է: «Ժողովուրդ» օրաթերթի հավաստի տեղեկություններով՝ Հայկ Կոնջորյանը, Արթուր Հովհաննիսյանն ու Անդրանիկ Քոչարյանը «կոալիցիա» են կազմել ու ակտիվ հակաքարոզչություն են տանում՝ ընդդեմ ԱԺ նախագահ Ալեն Սիմոնյանի:

Վերջինիս մասնակցությամբ Կասկադում տեղի ունեցած աղմկահարույց միջադեպն էլ իսկական առիթ է դարձել նրանց համար:

Նրանք օգտագործում են նաեւ այս միջադեպը՝ ԶԳ ներսում Ալեն Սիմոնյանի դեմ տրամադրություններ հրահրելու, պատգամավորներին ընդդեմ Սիմոնյանի տրամադրելու համար, որպեսզի պաշտոնակազմի պարտքերը սկսեն:

ԶԳ կոալիցիոն այս եռյակը հարմար առիթներ է փնտրում նաեւ Նիկոլ Փաշինյանի ականջին Ալեն Սիմոնյանի մասին տեղեկություններ հասցնելու համար: Մինչ այս պահը դեռ Փաշինյանին չեն կարողացել տրամադրել Ալեն Սիմոնյանի դեմ, բայց ամեն ինչ դեռ առջեւում է: Հիշեցնենք, որ ՀՀ առաջին նախագահ Լեւոն Տեր-Պետրոսյանը, երեկ արձագանքելով ԱԺ նախագահի պահվածքին, ԶԳ-ին հորդորել էր Ալեն Սիմոնյանի պաշտոնակազմի հարց բարձրացնել: ԶԳ խմբակցության պատգամավոր Վիգեն Խաչատրյանը երեկ «Ժողովուրդ» օրաթերթի հետ զրույցում ասել էր, որ խմբակցության բարձրագույն մարմնում պետք է քննարկվի Ալեն Սիմոնյանի հարցը: Արդյոք ԶԳ-ն կզնա այս քայլին, թե ոչ՝ ժամանակը ցույց կտա: Հավելենք, որ ԶԳ ներսում ոչ պակաս ակտիվ է նաեւ Ալեն Սիմոնյանի կողմնակիցների թելը, որոնք ամեն հարցում պաշտպանում են վերջինիս:

ԴԻՄՈՒՄ

ԱՄՆ ՀԱՏՈՒԿ ՄԱՆԻԱՏԱԿԻՐՆԵՐԻ ԿՈՉԸ՝ ԱԳՐԲԵՋԱՆԻՆ

Ադրիի 3-ին հրադարակվել է Միավորված ազգերի կազմակերպության մարդու իրավունքների հասուկ ընթացակարգերի հինգ մանդատային կոմիտեի կողմից Ադրբեյջանի կառավարությանն ուղղված դիմումը, որում կոչ է արվում անհաղաղ ֆայլեր ձեռնարկել՝ աղահուլվելու համար Լաչինի միջանցքով սեղաւազածի ազատությունն ու անվտանգությունը:



ՄԱԿ-ի մարդու իրավունքների փորձագետները, մասնավորապես, նշում են, որ Լաչինի միջանցքը միակ ուղի է, որը կապում է Լեռնային Ղարաբաղը Հայաստանի եւ արտաքին աշխարհի հետ, եւ ունի խոշոր հումանիտար նշանակություն: Շրջափակումը խափանել է պարենի, դեղորայքի, վառելիքի եւ այլ կենսական ապրանքների առաքումը Լեռնային Ղարաբաղի շուրջ 120.000 բնակչությանը: Հումանիտար իրավիճակը վատթարացել է գազի մատակարարման պարբերական ընդհատումներով, ինչը խաթարել է բժշկական հաստատությունների աշխատանքը, փակվել են կրթական հաստատությունները:

Հատուկ մանդատկիրները խիստ մտահոգություն են արտահայտում, որ Լեռնային Ղարաբաղը արտաքին աշխարհին կապող միակ ճանապարհի շարունակական արգելափակումը կարող է ծանր հումանիտար հետեւանքներ ունենալ բնակչության համար եւ խախտել նրանց իրավունքները:

Հաղորդագրությունն ուղարկվել է ՄԱԿ-ի Պարենի իրավունքի հարցով հատուկ զեկուցողի, Հաշմանդամություն ունեցող անձանց իրավունքների հարցերով հատուկ զեկուցողի, Կրթության իրավունքի

հարցով հատուկ զեկուցողի, Ֆիզիկական եւ հոգեկան առողջության ամենաբարձր հասանելի չափանիշներից օգտվելու իրավունքի հարցով հատուկ զեկուցողի եւ Տարեցների կողմից մարդու բոլոր իրավունքներից օգտվելու հարցով անկախ փորձագետի անունից:

ՆԻՍ

ՔՊ-ԱԿԱՆ ՊԱՏՎԱՄԱՎՈՐՆԵՐԻ ԽՈՒՆԴԱՆՈՒԹՅՈՒՆԸ

ԱԼԵՆ ՄԻՄՈՆՅԱՆԻ ՄԱՍԻՆ



Խախտելով տեական լռությունը՝ Յա-յաստանի առաջին նախագահն «ազ-գային խայտառակություն» է որակում նախօրեին ԱԺ նախագահի շուրջ տեղի ունեցած, իր բնորոշմամբ, զազրելի մի-ջադեպը՝ իշխող քաղաքական ուժին առաջարկելով նախաձեռնել Ալեն Սի-մոնյանի պաշտոնանկության հարցը: Լեւոն Տեր-Պետրոսյանի հայտարարու-թյունը հրապարակել է ilur.am-ը: Առաջին նախագահին զայրացրել է անցած կիրակի մայրաքաղաքի կենտ-րոնում Սիմոնյանի եւ դաշնակցական սփյուռքահայ Կարեն Մկրտչյանի միջեւ տեղի ունեցած միջադեպը: Դաշնակ-ցական երիտասարդը Սիմոնյանին ան-վանել էր դավաճան, ինչից հետո, ըստ նրա, Սիմոնյանի թիկնապահները ոլո-րել էին իր ձեռքերը, իսկ ԱԺ նախագա-հը թքել էր իր դեմքին: Ալեն Սիմոնյանը, ըստ էության, չէր հերքել կատարվածը, բայց երեկ այդպես էլ չէր պատասխա-նել հարցին՝ ի վերջո, թեքել է քաղաքա-ցու դեմքին, թե ոչ: Ավելին՝ արդարաց-րել էր իր թիկնապահների՝ քաղաքա-ցուն մոտենալու, ձեռքերից բռնելու գործողությունները: «Մեր խոսակցու-թյունից հետո ինքը փորձ արեց հար-ձակվի ինձ վրա, որից հետո անվտան-գության աշխատակիցները նրան բռնե-ցին, որպեսզի ինքը չհարձակվի իմ վրա, եւ նույնիսկ իր հրապարակած տե-սանյութում կամ որեւիցե տեղ նման բան գոյություն չունի: Մենք էսօր ընենք աշխարհում ենք ապրում, որ որեւիցե բան թաքցնել անհնար է: Ինչ վերաբե-րում է մնացածին, կարծում եմ բոլոր պատասխանները իմ հրապարակման մեջ կան»:

ՔԱՂԱՔԱՊԵՏ ԿԸՆՏԻՐԵՆ

Երեւանի ավագանին ապրիլի 11-ին քաղաքապետի արտահերթ ու ըստ էու-թյան ձեռնարկով ընտրություն կանցկաց-նի օրենքի պահանջին հետեւելու հա-մար: Նման անհրաժեշտություն առա-ջացել է նախկին քաղաքապետ Յրայա Սարգսյանի հրաժարականից հետո: Ավագանին արտահերթի համար ամե-նաուշը մեկ ամիս ժամանակ ունի: Այ-սօրվա նիստը վարող Երեւանի առաջին փոխքաղաքապետ Լեւոն Յարություն-յանը, որ հիմա քաղաքապետի պարտա-կանություններն է կատարում, հայտա-րարեց. «Առաջարկում եմ Երեւանի քա-ղաքապետի արտահերթ ընտրության օրը սահմանել 2023 թվականի ապրիլի 11-ը՝ ժամը 10:00-ն»:

Ազգային ժողովի մարդու իրավունքնե-րի դաժնացումը պահանջարկ է առաջա-րկում Երեւանի իրավունքների դաժնաց-նի թեկնածուների ֆինանսման հարցն էր, որը վերաժվեց լեզվակոթի: Առաջին հարցը ընդդիմության թեկնածուին էր վերաբերում: Էդգար Ղազարյանին առաջարկել են «Հայաստան» եւ «Պա-սիվ ունեն» խմբակցությունները: Ղա-զարյանը ՄԳ աշխատակազմի նախկին ղեկավարն է եղել, Լեւոնյանի հետ չէր նախկին դեպոզիտը: Ի՞նչու հարցնում էր ղազարյանը, նրա որակումներից բորբոքե-ցին, ու սկսվեց թե՛ լեզվակոթի: «Էս ո՞ւմ եմ բերել Ազգային ժողով, սա խայ-տառակություն է: Էս ում եմ բերել եւ ծաղրում եմ մարդու իրավունքները մե-ր երկրում «Հայաստան» եւ «Պասիվ ու-նեն» խմբակցությունները», - նեղեցին իշխանական դասընտրությունը:

Նրան նաեւ խեղդատակ, ծաղրածու ան-վանեցին: ՄԻՊ-ի թեկնածուն իրավունք չունեւր նույնիսկ ելույթը շարունակելու: Իշխանականները դուրս եկան դահլիճից: «Չեմ արձագանքում միայն այն պատճա-ռով, որ դրանք ոչ միայն քննարկման, այ-լեւ ուշադրության արժանի չեն առհասա-րակ», - արդեն լրագրողների հետ զրույ-ցում ասաց Էդգար Ղազարյանը: Օմբուդսմենի թեկնածուների հարցի քն-նարկման երկրորդ հատվածում արդեն ներկայացվեց իշխանական թեկնածուն՝ գլխավոր դատախազի տեղակալ Անա-հիտ Մանասյանը: Քննարկումն այս փու-լում խաղաղ անցավ, նրան ընդհատող չկար: Իշխանական պատգամավորները նրան տարբեր հարցեր տվեցին, նաեւ թե ինչպիսի դիրքորոշում ունի այն քաղաքա-ցիների նկատմամբ, որոնք բողոքում են իշխանությունից, կառավարությունից, պատրաստ է ընթացք տալ նրանց բողոք-ներին: Անահիտ Մանասյանն ասաց, որ պաշտպանելու է քաղաքացիներին՝ ան-կախ նրանց քաղաքական հայացքներից: Ընդդիմադիր պատգամավորները չէին մասնակցում այս նիստին, միայն հանձնա-ժողովի նախագահ Թագուհի Թովմաս-յանն էր ներկա: Նիստի ավարտին հանձ-նաժողովը Մարդու իրավունքների պաշտ-պանի պաշտոնում հավանություն տվեց իշխող Անահիտ Մանասյանի թեկնածու-թյանը: Նրա օգտին քվեարկեցին ՔՊ-ա-կան պատգամավորները: Ընդդիմադիր «Հայաստան» եւ «Պասիվ ունեն» խմբակ-ցությունների առաջադրած միասնական



թեկնածուի օգտին կողմ քվեարկեց միայն Թագուհի Թովմասյանը: Դատախազի տե-ղակալ Անահիտ Մանասյանի թեկնածու-թյան հարցը կքննարկվի խորհրդարանի լիագումար նիստում: Անահիտ Մանասյա-նը ՄԻՊ պաշտոնում ընտրվելու դեպքում իր առաջնահերթ աշխատանքն է համա-րում հանրային հանդուրժողականության մթնոլորտի ձեւավորումն ու դրան նպաս-տելը: «Կարծում եմ, որ իմ առաջնահերթ աշխատանքը, նաեւ ամբողջ աշխատանքա-յին համատեքստը, որ պատկերացնում եմ Մարդու իրավունքների պաշտպանի պաշտոնում, հենց հանրային հանդուրժ-ողականության մթնոլորտի ձեւավորումն ու դրան նպաստելն է», - ասաց թեկնածուն: Նա համոզված է, որ, առանց նման մթն-ոլորտի, անհնար է ուղղակի ունենալ մար-դու իրավունքների պաշտպանության գործիքակազմ:

բխում են այդ հիմնական խնդիրներից, հետեւաբար իմ հիմնական առաքելությա-նը նպաստող ամենամեծ գործիքակազմը լինելու է հենց հանրային հանդուրժողա-կանության մթնոլորտի ձեւավորումը, որովհետեւ հենց այս հանգամանքն է ըն-կած մարդու իրավունքների պաշտպա-նության մնացյալ բոլոր խնդիրների հիմ-քում», - ասաց Մանասյանը: Նա ընդգծեց՝ ՄԻՊ գործառնությունը չի տեսնում պարզա-պես ինչ-որ խնդիրներ արձանագրելու եւ դրա մասին հայտարարություններ հրա-պարակելու համատեքստում: «Բոլորիս տեսանկյունից պետք է կարելու լինի ար-ձանագրված խնդիրների համար հար-գանքի, համագործակցության ոլորտում լուծումներ գտնելը», - նշեց թեկնածուն: Մանասյանը շեշտեց՝ Մարդու իրավունք-ների պաշտպանի դերակատարությունն ու կերպարը չի տեսնում ընդդիմադիր, իշ-խանական քաղաքական գործչի համա-տեքստում:

ՆԱԽՈՎ ՀՈՎԿՅԱՆՆԻՍՅԱՆ

ՕՐՎԱԿ ԽՃԱՆԿԱՐ

ԼԻՏՎԱՆ ԿՈՂՄ Է ԶՎԵԱՐԿԵԼ

Լիտվայի խորհրդարանը կողմ է քվեար-կել Ռուսաստանի քաղաքացիներին երկ-րում անշարժ գույք ձեռք բերելն արգելե-լու նախաձեռնությանը: Արգելքին կողմ է քվեարկել 76 պատգա-մավոր, դեմ է արտահայտվել 13-ը, եւս 34-ը ձեռնպահ է մնացել: Նախաձեռնության հեղինակն է Սեյմի ազգային անվտանգու-թյան եւ պաշտպանության հանձնաժողո-վը: Ըստ հանձնաժողովի նախագահ Լաու-րինաս Կասյունասի՝ 2022թ.-ին ռուսաս-տանցիները Լիտվայում ձեռք են բերել անշարժ գույքի 699 օբյեկտ:

յում Ռուսաստանի ծավալած ռազմական գործողություններից հետո Լիտվա ժամա-նող ռուսաստանցիների թիվը զգալիորեն աճել է:

ԱՆՉԻՄՆ ՄԵՂԱԳՐԱՆՔՆԵՐ

Արդեթշանում շարունակում են հնչեց-նել անհիմն մեղադրանքներ Հայաստանի հասցեին: Այս անգամ, իբր, Հայաստանը «հրաժարվում է համագործակցել ակա-նազերծման հարցում»: «Այսօր նշվում է Ականների վտանգի հարցերով կրթման միջազգային օրը: Նրանք, ովքեր անկանոն ականներ են տե-ղադրում եւ հրաժարվում համագործակ-ցել դրանց վնասազերծման հարցում, այդ թվում՝ Հայաստանը, պետք է ենթարկվեն պատասխանատվության: Մենք պետք է

վերջ դնենք մարդկային մեծ կորուստնե-րին այդ արարքների հետեւանքով», - նշ-վել է Արդեթշանի ՆԳՆ-ի քվեարկության հրա-պարակման մեջ՝ Ականների վտանգի հար-ցերով կրթման միջազգային օրվա առի-թով:

Հիշեցնենք, որ Բաքվում այդպիսի «ար-դարացում» են գերիներին չվերադարձ-նելը եւ այլ հանցագործություններ, այնինչ գոյություն ունեցող ականային վտանգն Արցախում եւ Հայաստանի եւ Արդեթշանի սահմաններին ստեղծվել է հավասար չա-փով հենց Արդեթշանի կողմից, էլ չենք ասում այն մասին, որ հակամարտությունն ինքը Արցախի եւ Հայաստանի դեմ Արդեթ-ջանի իշխանությունների ագրեսիվ քա-ղաքականության հետեւանքն է: Ինչպես առաջին պատերազմի ժամանակ, այն-պես էլ ավելի ուշ Արդեթշանի ԶՈւ-ն ստեղծել է ականադաշտեր, իսկ հիմա պատասխանատվությունը դնում է հայկա-կան կողմի վրա:

ՍՊԱՆՈՒԹՅԱՆ ԴԵՊԵ

ՄԵՂԱԴՐՎՈՂ ԱՆՁԸ ԿԱԼԱՆԱՎՈՐՎԵԼ Է

Արդեն սեղեկացվել է, որ ՀՀ բննչական կոմիտեի Կոսայի մարզային բննչական վարչության Արուսյանի բաժնում իրականացված բննչությամբ ոլորվել են 2023թ. մարտի 1-ին Ջրվեժ համայնքում սեղի ունեցած սոլանոքայան դեղի էական հանգամանքներ:

Դեղի առթիվ նախաձեռնված քրեական վարույթի նախաքննությամբ պարզվել է, որ մարտի 1-ին ժամը 21:20-ի սահմաններում, Երեւան քաղաքի բնակիչ 34-ամյա տղամարդը ինքնուրույնները չպարզված անձանց հետ միասին Ջրվեժ համայնքում գործող խանութի դիմաց վիճաբանության մեջ է մտել Ջրվեժ համայնքի 49-ամյա բնակիչ, վերջինիս որդու եւ մի քանի այլ անձանց հետ տաղավարի հողատարածքի ձեռափոխման հարցի շուրջ: Անձինք սկսել են ձեռքերով ու ոտքերով հարվածներ հասցնել միմյանց, որի ժամանակ Ջրվեժ համայնքի 49-ամյա բնակիչը վայր է ընկել, իսկ 34-ամյա տղամարդը քննությամբ դեռեւս չպարզված հանցամասններում ձեռք բերած եւ իր մոտ պահվող հրազենից կրակոց է արձակել Ջրվեժ համայնքի 49-ամյա բնակիչի գլխի ուղղությամբ՝ պատճառելով կյանքի հետ անհամատեղելի մարմնական վնասվածք: Իր հետ դեղի վայր եկած անձանց հետ նա դիմել էր փախուստի:



կատարված աշխատանքի արդյունքում քրեական հետապնդման ենթարկվող անձը ներկայացել է վարույթն իրականացնող մարմնին, ում ներկայացվել է մեղադրանք: Հայտնաբերվել է նաեւ հանցագործության գործիք հանդիսացող ատրճանակը: Դատարան միջնորդություն է ներկայացվել Երեւան քաղաքի 34-ամյա բնակիչ նկատմամբ խափանման միջոց կալանք

կիրառելու հարցը վերստին քննարկելու վերաբերյալ, որը բավարարվել է, եւ անձը տեղափոխվել է քրեակատարողական հիմնարկ: Նախաքննությունը շարունակվում է, ձեռնարկվում են բոլոր միջոցները՝ միջադեպին մասնակից մյուս անձանց ինքնուրույնները պարզելու, վերջիններիս հայտնաբերելու ուղղությամբ:

ԱՎԱՐՏՎԵԼ Է

ՄՊԱՌՆԱԼԻՔՆԵՐՈՎ 5 ՄԼՆ ԳԻՄԱՄ Է ՊԱՀԱՆՋԵԼ

Ավարտվել է Չարենցավան քաղաքի բնակչից խոշոր չափերով շորթում կատարելու դեպքի առթիվ նախաձեռնված քրեական վարույթի նախաքննությունը:

2022 թվականի դեկտեմբերի 2-ին հիշյալ քաղաքացին հաղորդում էր ներկայացրել Հայաստանի Հանրապետության ԱԱԾ, որի հիման վրա ՀՀ ԱԱԾ քննչական դեպարտամենտում Հայաստանի Հանրապետության քրեական օրենսգրքի 258-րդ հոդվածի 2-րդ մասի 10-րդ կետով նախաձեռնված քրեական վարույթի նախաքննությունն իրականացվել է Հայաստանի Հանրապետության քննչական կոմիտեի Կոտայքի մարզային քննչական վարչությունում:

Կատարված քննչական եւ վարույթային գործողությունների արդյունքում ձեռք բերված փաստական տվյալներով հիմնավորվել է, որ 2022թ. նոյեմբերի 26-ին՝ ժամը 10:00-ից 12:00-ն ընկած ժամանակահատվածում, Չարենցավան քաղաքի հիշյալ բնակիչը նույն քաղաքի 4-րդ թաղամասի շենքերից մեկում գտնվող իր բնակարանի դռան առջեւ տեսել է տեղադրված թուղթ՝ որի վրա եղել է 5.000.000 ՀՀ դրամի պահանջ, ինչպես նաեւ այն չվճարելու դեպքում՝ բռնություն գործադրելու, կյանքից զրկելու սպառնալիքներ պարունակող ձեռագիր գրառում: Հաջորդ օրը՝ ժամը 15:00-ից 15:30-ն ընկած ժամանակահատվածում, նույն բնակարանի շքամուտքին նմանատիպ գրառումներով թուղթ է նկատել նաեւ հիշյալ քաղաքացու կինը:

Նախաքննության ընթացքում իրականացվել են քննչական եւ վարույթային պլանավորված գործողություններ. առգրավվել են դեղի վայրի մոտակա տարածքում տեղադրված տեսախցիկների տեսագրությունները, նշանակվել է դատաձեռագրաբանական փորձաքննություն, հարցաքննվել են մի շարք անձինք:

Արդյունքում պարզվել է ենթադրյալ հանցագործությունը կատարած անձի ինքնությունը, որը նույն շենքի բնակիչ է՝ ծնված 2003 թվականին:

Ձեռք ձեռք բերված բավարար փաստերի հիման վրա միջնորդություն է ներկայացվել հսկող դատախազին՝ 20-ամյա երիտասարդի նկատմամբ Հայաստանի Հանրապետության քրեական օրենսգրքի 258-րդ հոդվածի 2-րդ մասի 10-րդ կետով հանրային քրեական հետապնդում հարուցելու մասին, որը բավարարվել է: Վերջինիս մեղադրանք է ներկայացվել, եւ որպես խափանման միջոց է կիրառվել բացակայելու արգելքը:

Նախաքննությունն ավարտվել է: Քրեական վարույթի նյութերն ուղարկվել են հսկող դատախազին՝ մեղադրական եզրակացությունը հաստատելու եւ գործը դատարան ուղարկելու միջնորդությամբ:

ԼՈՒՐԵՐ

ՎԻՃԱԲԱՆՈՒԹՅՈՒՆ ԵՎ ԳԱՆԱԿԱՆՔԱՐՈՒԹՅՈՒՆ

Ապրիլի 3-ին հիվանդանոցից ոստիկանության Մասիսի բաժին հաղորդում էր ստացվել, որ «ձախ հարականջային շորթանի կտրած արևահոսող վերք, քթի, ձախ թեւի կտրած արևահոսող վերք, միջհոնքային շորթանի քերծված վերքեր» ախտորոշմամբ բուժօգնության է տեղափոխվել սուրենավանցի 62-ամյա մի տղամարդ:

Ոստիկանության Մասիսի բաժնի ծառայողները պարզել են, որ ժամը 16:30-ի սահմաններում Մասիս քաղաքի 3-րդ թաղամասի շենքերից մեկի մոտ ճանապարհը չզիջելու հարցի շուրջ վիճաբանության ընթացքում անհայտ անձը դանակով հարվածներ էր հասցրել հիվանդանոց տեղափոխվածին: Ձեռնարկված օպերատիվ-հետախուզական միջոցառումների արդյունքում պարզվել է, որ 62-ամյա տղամարդուն մարմնական վնասվածքները պատճառել է «Տոյոտա Ավարդ» մակնիշի մեքենայի վարորդը: Մասիս քաղաքի 68-ամյա բնակիչը հայտնաբերվել, ձերբակալվել եւ տեղափոխվել է ոստիկանության Մասիսի բաժին: Մեքենան տեղափոխվել է բաժնի հատուկ պահպանվող տարածք:

Կազմված փաստաթղթերն ուղարկվել են Մասիսի քննչական բաժին:

ՄՊԱՆԵԼ Է ՄԿԵՍՈՒՐԻՆ

Ապրիլի 2-ին ՆԳՆ ոստիկանության Տավուշի մարզի օպերատիվ կառավարման կենտրոն «Դիլիջան» բժշկական կենտրոնից հաղորդում էր ստացվել, որ շտապօգնության խումբը կանչով մեկնել է Դիլիջան քաղաքի Շամախյան փողոցի շենքերից մեկի մի բնակարան, սակայն մինչ շտապօգնության ժամանումը 62-ամյա Վարսենիկ Մ.-ն հանկարծամահ էր եղել: Նշված հասցե մեկնած Դիլիջանի բաժնի օպերատիվ-քննչական խմբին մահացածի որդին հայտնել էր, որ ժամը 15:30-ի սահմաններում մայրը իր ներկայությամբ հանկարծամահ է եղել: Այս մասին հայտնում են ոստիկանությունից: Արտաքին զննությամբ 62-ամյա կնոջ դեմքին եղել են կապտուկներ, որոնց վերաբերյալ որդին հայտնել է, որ մայրը մարտի 31-ին տանն ընկել է: ՆԳՆ ոստիկանության Տավուշի մարզային վարչության եւ Դիլիջանի բաժնի քրեական հետախուզակների համատեղ ձեռնարկված օպերատիվ-հետախուզական միջոցառումների շնորհիվ պարզվել է, որ

մահացածի որդու 40-ամյա կինը մետաղյա շերտով պարբերաբար խփել է սկետոքզ գլխին, դեմքին: Ստացված մարմնական վնասվածքների հետևանքով 62-ամյա կինը մահացել է: 40-ամյա կինը ձերբակալվել է ներկայացվել է Դիլիջանի քննչական բաժին:

ԱԿԱՆԻ ՊԱՅԹՅՈՒՆ

Ապրիլի 2-ին՝ ժամը 15:35-ին, ոստիկանության Մարտունու շրջբաժնի Կարմիր շուկա բաժանմունքում հաղորդում է ստացվել, որ Կարմիր շուկա վարչական տարածքի անտառային գոտում ական է պայթել՝ վիրավորելով քաղաքացիական անձի: Դեղի վայր մեկնած ոստիկանության ծառայողները պարզել են, որ նույն օրը՝ ժամը 15:10-ի սահմաններում, Կարմիր շուկայի երեք բնակիչներ շփման գծին մոտ գտնվող նշված տեղամասում ծնեթել էին հավաքում, երբ Գ.Բ.-ն (ծնված 1997 թվականին) պայթել է ականի վրա: Վերջինս տեղափոխվել է Հանրապետական բժշկական կենտրոն, որտեղ պատուրդվել է ձախ ոտնաթաթի տրավմատիկ անպուտացիա: Ստուգմամբ զբաղվում է ոստիկանության Մարտունու շրջանային բաժինը: Այս մասին հայտնում են ԱՀ ներքին գործերի նախարարությունից:

● Ըստ ոստիկանության տվյալների՝ ապրիլի 3-ից 4-ը Հայաստանի Հանրապետությունում բացահայտվել է հանցագործության 67 դեպք, որոնցից 8-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԵՐԵՒԱՆԵՐԻ ԾԵԾԻ ԳՈՐԾ

Ապրիլի 5-ին Տավուշի մարզի առաջին ատյանի դատարանի հջեան քաղաքի նստավայրում, դատավոր Սամվել Մարդանյանի նախագահությամբ, Նշանակված է հջեան համայնքի հաշթառակ գյուղի բնակիչներ՝ հայր Ե. աղջիկ Սամվել Ե. Մարիաննա Յակոբջանյանների դատավարության առաջին նիստը: Ըստ մեղադրական եզրակացության՝ Սամվել Յակոբջանյանին մեղադրանք է առաջադրվել այն բանի համար, որ նա 2020 թվականի օգոստոսի 16-ին՝ ժամը 14:00-ի սահմաններում, Տավուշի մարզի հաշթառակ համայնքում իրեն պատկանող առանձնատանը իր հանգիստը խանգարելու պատճառով մարմնական վնասվածքներ պատճառելու դիտավորությամբ ձեռքով հարվածել է իր անչափահաս թոռանը՝ 2014թ. հունվարի 13-ին ծնված Սերգեյ Անուշավանի Յակոբջանյանի դեմքին, ինչի հետևանքով վերջինս վայր է ընկել ննջասենյակի հատակին, գլխով հարվածելով բազմոցի ոտնակին՝ ստացել է առողջության ծանր վնաս, կյանքին վտանգ սպառնացող մարմնական վնասվածքներ, որն էլ անզուգուրությամբ առաջացրել է Սերգեյ Յակոբջանյանի մահը: Վերջինս ստացած մարմնական վնասվածքներից 2020 թվականի օգոստոսի 25-ին Երեւան քաղաքի «Սուրբ Աստվածամայր» ԲԿ-ում մահացել է: Բացի այդ, Սամվել Յակոբջանյանը 2020թ. օգոստոսի 16-ի երեկոյան հաշթառակ համայնքում գտնվող, իրեն պատկանող առանձնատան բակում իր վրա անվաղող նետելու համար մարմնական վնասվածքներ պատճառելու դիտավորությամբ փայտով մի քանի անգամ հարվածել է անչափահաս թոռանը՝ 2016թ. սեպտեմբերի 19-ին ծնված Նաիրի Ղալումյանի մարմնի տարբեր մասերին, ապա վեր բարձրացրել նրան և օգել հատակին՝ վերջինս առողջության վնաս: Մարիաննա Յակոբջանյանին մեղադրանք է առաջադրվել այն բանի համար, որ նա մինչև 2020թ. օգոստոսի 16-ն ընկած ժամանակահատվածում պարբերաբար տարբեր կենցաղային առիթներով դիտավորությամբ ձեռքերով, ոտքերով, փայտով բազմաթիվ հարվածներ է հասցրել իր անչափահաս երեխաների՝ 016թ. սեպտեմբերի 19-ին ծնված Նաիրի Ղալումյանի, 2014թ. ապրիլի 4-ին ծնված Նարե Ղալումյանի, 2011թ. հունիսի 29-ին ծնված Նարեկ Ղալումյանի, 2018թ. ապրիլի 13-ին ծնված Նիկ Էդգարի Անտոնյանի և Եղբոր անչափահաս որդիների՝ 2014թ. հունվարի 13-ին ծնված Սերգեյ Անուշավանի Յակոբջանյանի, 2016թ. հունիսի 30-ին ծնված Արտյոմ Անուշավանի Յակոբջանյանի մարմնի տարբեր մասերին: Սամվել Յակոբջանյանին մեղադրանք է առաջադրվել 33 քրեական օրենսգրքի 166 հոդվածի 2-րդ մասի 2-րդ, 7-րդ, 15-րդ կետերով, 167 հոդվածի 2-րդ մասի 4-րդ և 9-րդ կետերով և 196 հոդվածի 2-րդ մասի 3-րդ, 5-րդ և 6-րդ կետերով: Մարիաննա Յակոբջանյանին մեղադրանք է առաջադրվել 196 հոդվածի 2-րդ մասով: Սամվել Յակոբջանյանի նկատմամբ խափանման միջոց է ընտրվել չբացակայելու արգելքը, Մարիաննա Յակոբջանյանի նկատմամբ՝ չհեռանալու մասին ստորագրությունը:

ՈՍՎՆ ՍՍՐԳՅԱՆ Տավուշ

ԱՍՈՒԼԻՍ

ՀԱՎԵԼԱՎՃԱՐ ՄՏԱՆԱԼՈՒ ՀՆԱԲԱՎՈՐՈՒԹՅՈՒՆ

ՀՀ կրթության, գիտության, մշակույթի և սպորտի նախարարությունը սկսել է նախադրոցական ուսումնական հաստատությունների մանկավարժական աշխատողների արակարգի շարժման գործընթաց: Նախադրոցական հաստատությունների մանկավարժների համար այս գործընթացը ենթադրում է հավելավճար ստանալու հնարավորություն: «Մրմննդես»-ի մամուլի սրահում հրավիրված ասուլիսում ՀՀ ԿԳՄՍ նախարարության հանրակրթության վարչության գլխավոր մասնագետ Թեմիմեն Կարախանյանը նշեց, որ աշխատանքները արդեն փուլեր են անցնում: Նախ մանկավարժական հաստատությունների մանկավարժները դարձադիր դիմել են վերադաստիարակման, այնուհետև արդեն կամավորության սկզբունքով մանկավարժը կարող է դիմել արակարգի՝ հավելավճար ստանալու համար:

«Վերապատրաստումն իրականացվում է բացառապես պետական բյուջեի հաշվին: Մանկավարժը պարտադիր վերապատրաստվելուց, սահմանված բնութագրիչներին համապատասխանելուց հետո կարող է ներկայացնել փաստաթղթերը հավելավճար ստանալու համար: Հավելավճարի չափը կախված է, թե մանկավարժը քանի բնութագրիչի է համապատասխանում», - ասաց Թեմիմեն Կարախանյանը:

Ստուգվում է նախ մանկավարժի գործնական աշխատանքը՝ ինչ տիպի աշխատանքով է տարբերվում իր կոլեգաներից, ինչպես է կազմակերպում երեխաների ընտանիքների հետ համագործակցությունը, ինչպես է պլանավորում իր պարապմունքները և այլն: Ընդհանուր սահմանված է 9 բնութագրիչ: Առաջին աստիճանի դեպքում մանկավարժը պետք է համապատասխանի 3-ից ոչ պակաս բնութագրիչի, երկրորդ աստիճանի դեպքում՝ 5 բնութագրիչի, 3-րդ աստիճանի դեպքում՝ 7 և ավելի բնութագրիչի:

Այսօր մանկավարժների աշխատավարձը տատանվում է 70 000-100 000 դրամի սահմաններում: Առաջին աստիճանի տարակարգի դեպքում հավելավճարը կազմում է նվազագույն աշխատավարձի 30 տոկոսը, երկրորդ աստիճանի դեպքում՝ 40



տոկոսը, երրորդ աստիճանի դեպքում՝ 50 տոկոս:

Հայկական պետական մանկավարժական համալսարանի նախադրոցական մանկավարժության և մեթոդիկաների ամբիոնի դասախոս, Երեւանի թիվ 6 մուլտի-մանկապարտեզի մեթոդիստ Իրինա Պոնոմարենկոն նշեց, որ հավելավճար ստանալու հնարավորությունը բավական մոտիվացնող է:

«Շատ սպասված փոփոխություն է, վերջապես մանկավարժները կարող են ցույց տալ իրենց կատարած աշխատանքը, գնահատվեն: Այսօր նախատեսվում է նաև վերապատրաստման ծրագիր ֆիզկուլտհրահանգիչների, երաժշտության դաստիարակների, մեթոդիստների համար», - ասաց Իրինա Պոնոմարենկոն:

Արեւիկ Նիկողոսյանը գործող մանկավարժ է, աշխատում է Չարենցավանի «Հրաշք» մուլտի-մանկապարտեզում: Կարեւորելով նման նախաձեռնությունը՝ նշեց, որ ինքը պատրաստվում է դիմել հավելավճար ստանալու համար:

«Շատ ուրջունելի է, որ այսքան տարի անց նման հնարավորություն կա: Ես շահագրգիռ եմ այս հարցում ու պատրաստվում եմ մասնակցել: Չորս բնութագրիչի համապատասխանում եմ: Ասեմ, որ դաստիարակների շրջանում ոգեւորություն կա, բոլորն էլ դրական են գնահատում: Լավ հնարավորություն է կրթվելու, վերապատրաստվելու և հավելավճար ստանալու համար», - ասաց Արեւիկ Նիկողոսյանը:

Մանկավարժներն ազատ են հավելավճարի համար դիմումներ ներկայացնելու հարցում: Որեւէ վերջնաժամկետ այդ առումով նախատեսված չէ:

Վերջ նշված հնարավորությունը միակը չէ, այն բարեփոխումների ընդհանուր գործընթացի մի բաղադրիչն է: Նախակրթական համակարգում բարեփոխումները նախանշված են մի քանի ուղղություններով՝ մանկապարտեզաշինություն, մասնագիտական որակի բարձրացման վարձատրության ներդրում, նախադրոցական կրթության բովանդակության վերանայում:

ՄԵՂՈՂՈՒՄԸ

ԲՈՒՐ ԿԵՏԵՐԸ ՎԵՐԱԾԵԼ Է ԲՐԵԱԿԱՆԻ

Մանհեթենի օկրուգային դատախազ Էլիզ Բեգի գրասենյակը ՄՄՆ նախկին նախագահ Գոնար Թրամփի դեմ մեղադրանքի բոլոր 34 կետերը վերադասավորել է ֆրեականի. ճեղքվացրել է Yahoo News դորսալը՝ հղում կատարելով ֆննդության մանրամասներին ծանոթ աղբյուրին:

«Գործնական փաստաթղթերի կեղծման մեղադրանքը կարող է Նյու Յորքի նահանգում հետապնդվել որպես զանցանք: Բեգի գրասենյակը բոլոր մեղադրանքները հասցրել է Է դասի հանցագործությունների մակարդակի, որոնք Նյու Յորքի նահանգի քրեական օրենսգրքում համարվում են հանցագործությունների ցածր մակարդակ:

Այս միջոցն ընդունվել է այն պատճառով, որ նախկին նախագահի գործողությունները, իբր, ուղղված են եղել մեկ այլ հանցագործությունը թաքցնելուն:

Ինչպես նշվել է հոդվածում, նահանգի քրեական օրենսգրքի համապատասխան՝ Է դասի հանցագործությունը՝ կապված գործնական փաստաթղթերի կեղծման հետ, կարող է պատժվել չորս տարի ազատազրկմամբ: Ինչպես ընդգծել է պորտալի գրուցակիցը, գործնական տեսակետից իրադարձությունների զարգացման այդ տարբերակն այնքան էլ հավանական չէ:

«Ոչ ոք բանտում չի հայտնվում խախտելով օրենքն առաջին անգամ», - բացատրել է աղբյուրը:

Թրամփը մեկ ժամ առաջ հայտարարել էր, որ երեքշաբթի իրեն Նյու Յորքի դատարանում ներկայացնելու են մեղադրանքներ 33 կետերով, ընդ որում՝ դրանցից ոչ մեկն իր համար անակնկալ չէր: Նախկին նախագահի իրավաբան Ջո Տակոպինան «ՌԻԱ Նովոստի»-ի հետ զրույցում ասել է, որ բոլոր մեղադրանքները հենվում են նույն գործի վրա:

Ավելի վաղ ՋԼՄ-ները տեղեկացրել էին, որ երեքշաբթի Նյու Յորքի դատարանում պատրաստվում են Թրամփին ներկայացնել առնվազն մեկ քրեական մեղադրանք: Ենթադրվում է, որ խոսքը պոռնոգրասանուհի Սթորմի Դեյվիդսի մասին է, որին, իբր, խոշոր գումար են վճարել, որպեսզի լռի Թրամփի հետ իրեն վերագրվող սիրավեպի մասին:

● Անցած 1 օրվա ընթացքում Հայաստանի Հանրապետությունում արձանագրվել է 13 ճՏՊ. 23 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՔՆՆԱՐԿՈՒՄ

ՀԱՇՄԱՆԴԱՄ ԱՆՁԱՆՑ ՀԱՄԱԼԻԲ ԾՐԱԳԻՐ

Հաշմանդամություն ունեցող անձանց կյանքի որակի բարելավման, հաշմանդամության հիմքով խտրականության բացառման, բոլոր ոլորտներում նրանց լիարժեք և արդյունավետ մասնակցության ապահովման նպատակով Աշխատանքի և սոցիալական հարցերի նախարարության կողմից մշակվել է e-draft իրավական ակտերի նախագծերի հրապարակման միասնական կայքում հանրային քննարկման և ներկայացվել Հաշմանդամություն ունեցող անձանց սոցիալական ներառման 2023-2027 թթ. համալիր ծրագիրը:

Համալիր ծրագրում ամրագրված են հաշմանդամություն ունեցող անձանց իրավունքների պաշտպանությանն ու հնարավորությունների ընձեռնմանն ուղղված առաջիկա տարիների պետական քաղաքականությունը, ՀՀ պետական ու համայնքային բյուջեների շրջանակում իրականացվող միջոցառումները, սահմանված են դրանց կատարման պատասխանատուները և թիրախները:

Հիմնվելով Հաշմանդամություն ունեցող անձանց սոցիալական ներառման 2017-2021 թթ. համալիր ծրագրի հիմնական ուղղությունների վրա և հաշվի առնելով ՄԱԿ-ի կայուն զարգացման նպատակները՝ սահմանվել է 7 առաջնահերթություն.

- ✓ հաշմանդամություն ունեցող անձանց իրավունքների պաշտպանություն, հավասար հնարավորությունների և մատչելի պայմանների ապահովում, ինչպես նաև խտրականության բացառում,
- ✓ հաշմանդամություն ունեցող անձանց որակյալ ներառական կրթության իրավունքի ապահովում կրթության բոլոր մակարդակներում,
- ✓ հաշմանդամություն ունեցող անձանց արդյունավետ զբաղվածության և արժանապատիվ աշխատանքի ապահովում,
- ✓ ֆիզիկական և հոգեկան առողջության իրավունքի հնարավոր առավելագույն մակարդակով ապահովում,
- ✓ մշակութային իրավունքների խթանում և ապահովում, մասնակցություն սպորտին և ժամանցին,
- ✓ հաշմանդամություն ունեցող անձանց մատուցվող ծառայությունների բարելավում, խնամքի ծառայությունների փոխակերպում և անկախ կյանքի ապահովում,
- ✓ արտակարգ իրավիճակում կամ ռազմական դրության ժամանակ հաշմանդամություն ունեցող անձանց պաշտպանության և անվտանգության ապահովում:

Նախագիծը մշակվել է ՀՀ աշխատանքի և սոցիալական հարցերի նախարարության կողմից շահագրգիռ գերատեսչությունների և հասարակական կազմակերպությունների մասնակցությամբ: Համալիր ծրագրի նախագծի մշակմանը փորձագիտական աջակցություն է ցուցաբերել «Հաշմանդամություն ունեցող անձանց իրավունքների օրակարգ» հասարակական կազմակերպությունը, այդ թվում՝ աջակցելով մշակման և հանրային քննարկման փուլում հաշմանդամություն ունեցող անձանց հետ խորհրդակցությունների անցկացման հարցում: Համալիր ծրագրի նախագծի մշակման փուլում մասնակցություն է ունեցել ոլորտային յոթ հասարակական կազմակերպություն և հաշմանդամություն ունեցող ավելի քան 70 անձ:

ՀԱՆՐԻՊՈՒՄ

ՏՆՕՐԵՆՆԵՐԸ ԿԻՄԵԼ ԵՆ ԻՐԵՆՑ ՓՈՐՉԸ

Հանրակրթության նոր չափորոշի ներդրմամբ դայմանավորված՝ Տավուշի մարզի Գիլիջան ֆաղաֆում սեղի է ունեցել հանդիպում, որին մասնակցել են Տավուշի, Արագածոտնի, Կոսայքի, Արարատի, Լոռու, Գեղարքունիքի մարզերի և Երևանի ուսումնական հաստատությունների վերադասուսուցիչներ:

Հանդիպմանը ներկա են եղել ԿԳՄՍ նախարարի տեղակալ Արաքսյա Սվաջյանը, ԿԶՆԱԿ հիմնադրամի տնօրենի ժամանակավոր պաշտոնակատար Արտաշես Թորոսյանը, տնօրենի տեղակալ Ինգա Վարդանյանը, ինչպես նաև Տավուշի մարզպետարանի կրթության վարչության պետ Մերուժան Հարությունյանը:

Նախարարի տեղակալ Արաքսյա Սվաջյանը ողջունել է ներկաներին՝ կարեւորելով Հանրակրթության նոր չափորոշի ներդրման հարցը: Արաքսյա Սվաջյանը փաստել է Տավուշի մարզի ավելի քան 80 դպրոցում նոր չափորոշի ներդրման գործընթացի աշխատատարությունն ու վերահսկելիությունը: Նա շեշտել է, որ ՀՀ մյուս մարզերի դպրոցներում չափորոշի ներդրման գործընթացը կարող է ուղեկցվել որոշակի այլ դժվարություններով, հետևաբար ապավինում է վերապատրաստված մասնագետների ջանքերին:

ԿԶՆԱԿ հիմնադրամի տնօրենի ժամանակավոր պաշտոնակատար Արտաշես Թորոսյանի խոսքով՝ այսօրինակ հանդիպումները հնարավորություն են ընձեռնում քննարկելու իրականացված վերապատրաստումների արդյունքները և չափորոշից փորձարկված ուսումնական հաստատությունների տնօրենների հետ կատարելու փորձի և մտքերի փոխանակում:

ԿԶՆԱԿ հիմնադրամի տնօրենի տեղակալ Ինգա Վարդանյանը խոսել է չափորոշի ներդրման մեխանիզմների մասին, ներկայացրել սպասվելիք փոփոխությունները և Տավուշի փորձի որոշ մանրամասներ:



Թեղուտի միջնակարգ դպրոցից Ա. Թամրազյանը ներկայացրել է դպրոցի 2022-2023 ուստարվա ուսումնական պլանը՝ հատկապես անդրադառնալով ընտրովի բաղադրիչին: Հնչել են մի շարք հարցեր, որոնք հիմնականում վերաբերել են նախագծային աշխատանքների և երկարորոյ դասընթացների կազմակերպմանը:

Գիլիջանի թիվ 4 հիմնական դպրոցի տնօրեն Է. Սահակյանը ներկայացրել է նախագծային ուսուցման վերաբերյալ դպրոցի փորձը, մասնակիցներին ուղեկցել քիմիայի, ֆիզիկայի լաբորատորիաներ՝ ներկա գտնվելու աշակերտների իրականացրած հետազոտություններին:

Ներքին Շաղկավանի միջնակարգ դպրոցի տնօրեն Դավիթ Յուլյանն էլ խոսել է ներդրողական վերահսկողության մասին՝ մանրամասն անդրադառնալով մնացորդային գիտելիքների ստուգմանը և

առաջին աստիճանի բարդության հարցերին:

Խեքարի միջնակարգ դպրոցի տնօրեն Ն. Անանյանը ներդրողական վերահսկողության շրջանակում անդրադարձել է «Ընթերցանությունը տարրական դպրոցում» ծրագրին և երկարորոյա պատասխաններին:

Լճկաձորի հիմնական դպրոցի տնօրեն Մ. Առաքելյանն էլ խոսել է գնահատման նոր մեթոդաբանության, ծնողական համայնքում դրական արձագանքների մասին:

Հանդիպման ընթացքում հնչել են քննարկվող թեմաների վերաբերյալ մի շարք հարցեր, որոնց պատասխանել են Տավուշի մարզի տնօրենները և ԿԶՆԱԿ-ի տնօրենի տեղակալը՝ ես մեկ անգամ կարեւորելով կրթության բարեփոխումների այս գործընթացի առաջնահերթությունները:

ՀԻՄՆԱԿԱՆ ՄԱՏԱԿԱՐԱՐ

ԱՃԽԱՐՀՈՒՄ ԶԵՆՔԻ ԱՄԵՆԱԽՈՇՈՐ ՆԵՐՄՈՒԾՈՂԸ

2022թ. սվյակներով Հնդկաստանն առաջինն է հիմնական զինատեսակների ամենախոշոր ցեղանունը երկիրն էր. Գրազիալոր մասակարար ճախիկի ողեսուսասանն է: Այսպիսի եզրակացություն է արվել Մոսկովի խաղաղության խնդիրների հետազոտության միջազգային ինստիտուտի (SIPRI) երկուսաբքի հրատարակած հաշվետվությունում:

Ինչպես նշել են ինստիտուտի փորձագետները, Հնդկաստանը պահպանել է առաջատար դիրքերը՝ անգամ չնայած այն բանին, որ նրա ներմուծումը 2013-2017թթ. և 2018-2022թթ. կրճատվել է 11 տոկոսով: Նրանց կարծիքով՝ այս նվազումը բացատրվում է հնդկական կողմի գնումների բարձր գործընթացով, ինչպես նաև մատակարարների դիվերսիֆիկացման պետական քաղաքականության առանձնահատկություններով: Բացի այդ, իրավիճակի վրա ազդում են նաև երկրի ներսում գեղնի արտադրություն կազմակերպելու պետության ջանքերը՝ պայմա-

նավորված ներմուծումից կախումը նվազեցնելու ցանկությամբ:

«Հնդկաստանն աշխարհում սպառազինությունների հիմնական տեսակների ամենախոշոր ներմուծողն էր 2018-2022թթ. (սպառազինությունների համաշխարհային ներմուծման ընդհանուր ծավալի 11 տոկոսը): Երկիրը պահպանում էր այդ դիրքը նաև 1993-2022թթ.»,- նշվել է հաշվետվությունում:

SIPRI-ի փորձագետները փաստել են, որ սպառազինությունների ամենախոշոր արտահանողը Հնդկաստանն էր նախկինի պես մնում է Ռուսաստանը՝ չնայած այն բանին, որ ՌԴ-ի բաժինը 2018-2022թթ. կրճատվել է: «Ռուսաստանը գեղնի ամենախոշոր մատակարարն էր Հնդկաստան 2013-2017թթ., ինչպես նաև 2018-2022թթ., սակայն նրա բաժինը սպառազինությունների հնդկական ներմուծման ընդհանուր ծավալում կրճատվել է՝ 64-ից հասնելով 45 տոկոսի»,- նշվել է փաստաթղթում:

Վերլուծաբանների խոսքով՝ ՌԴ-ից սպառազինությունների ներմուծման կրճատման վրա ազդում են մի քանի գործոններ: Մաս-

նավորապես, դրանցից են այլ մատակարար երկրների բարձր մրցակցությունը, Հնդկաստանում գեղնի արտադրության ավելացումը, ինչպես նաև «2022-ից սկսած՝ Ռուսաստանի կողմից գեղնի արտահանման սահմանափակումը»:

Հաշվետվությունում նաև նշվել է, որ սպառազինությունների հնդկական ներմուծումը Ֆրանսիայից, որը նախկինում կազմում էր 62 մարտական ինքնաթիռ և 4 սուզանավ, 2022թ. վերջի դրությամբ ավելացել է 489 տոկոսով:

«Այսպիսով, Ֆրանսիան սպառազինությունների մատակարարման ծավալով առաջ է անցել ԱՄՆ-ից և երկրորդն է Հնդկաստան 2018-2022թթ. գեղնի արտահանման գործում»,- նշվել է հաշվետվությունում:

Ստոկհոլմի խաղաղության խնդիրների հետազոտության միջազգային ինստիտուտի (SIPRI) հաշվետվությունը կոչվում է «Սպառազինությունների միջազգային մատակարարումների միտումները-2022»: Փաստաթղթում համեմատվում են հնգամյա երկու շրջաններ՝ 2013-2017 և 2018-2022թթ.:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՅԵՏԱԲՈՐՔԻՐ Է

ՈՐ ՏԻԵՋԵՐԱԳԻՆԱՅՆԵՐԸ ԿՊՏՏՎԵՆ ԼՈՒՄՆԻ ԸՈՒՐՋԸ

2024 թ Artemis II առաքելության օդանավում սիեգերագնացների անձնակազմը կոսսվի Լուսնի շուրջը առանց դրա վրա վայրէջք կատարելու: ԱՄՆ-ի Օդազնացության եւ սիեգերական հետազոտությունների ազգային վարչությունը (NASA) արդեն հայտնել է անձնակազմի կազմը: Այն ներառում է չորս սիեգերագնաց՝ հրամանատար Ռիդ Ուայզմեն (Reid Wiseman), օդաչու Վիկտոր Գլովեր (Victor Glover), առաքելության առաջին մասնագետ Քրիստին Համոկ Կոչ (Christin Hammock Koch), առաքելության երկրորդ մասնագետ Ջերեմի Հանսեն (Jeremy Hansen): Ի՞նչ է հայտնի այս սիեգերագնացների մասին: Անձնակազմի հրամանատար Գրեգորի Ռիդ Ուայզմանի համար սա կլինի երկրորդ թռիչքը դեպի սիեգեր: Առաջինը եղել է 2014 թ., երբ նա ավելի քան 165 օր անցկացրեց սիեգերում՝ 41-րդ արավայանի ժամանակ Միջազգային սիեգերակայանում (ՄՏԿ) որդես թռիչքային ինժեներ աշխատելով:



հայտնի է Լուսնով, որ տիեզերքում կնոց անցկացրած ամենաերկար ժամանակահատվածի ռեկորդ է սահմանել՝ 328 օր, վեց անգամ դուրս է եկել բաց տիեզերք, դրանցից երեքի դեպքում բաց տիեզերք է դուրս եկել միայն կանցից բաղկացած թիմը՝ 42 ժամ 15 րոպե ընդհանուր տեղում: Կանադացի տիեզերագնաց Ջերեմի Հանսենի համար սա առաջին թռիչքն է դեպի տիեզերք: Նա կանադական զինված ուժերի գնդապետ է, կործանիչի նախկին օդաչու, որը տիեզերական գիտությունների ոլորտում բակալավի աստիճան է ստացել Քիլգուրտում (Օնտարիո) գտնվող Կանադայի թագավորական ռազմական քոլեջից, իսկ 2000 թ. նույն հաստատությունից ստացել է ֆիզիկայի մագիստրոսի կոչում՝ լայն տեսադաշտով արբանյակային հետազոտման ոլորտում հետազոտությունների մասնագիտացումով (Wide Field of View Satellite Tracking): Հիշեցնենք, որ 2022թ. դեկտեմբերին NASA-ի Artemis I առաքելությունը հաջողությամբ ավարտվեց, եւ Orion տիեզերանավը վայրէջք կատարեց Խաղաղ օվկիանոսում: Ծրագրի երկրորդ փուլի շրջանակում վերոնշյալ տիեզերագնացները կպատվեն Լուսնի շուրջը եւ կվերադառնան Երկիր: Artemis II-ը կլինի Երկրի ուղեծրից այն կողմ առաջին օդաչուավոր առաքելությունը Apollo 17-ից հետո. այն վերջին առաքելությունն էր, որի շրջանակում 1972 թ. դեկտեմբերին վայրէջք է կատարվել Լուսնի վրա: Երրորդ փուլի՝ Artemis III առաքելության շրջանակում տիեզերագնացները վայրէջք կկատարեն Լուսնի մակերեսին: Այնպես չէ, որ դա տեղի կունենա 2025 թ. դեկտեմբերից ոչ շուտ: Մինչ այդ պետք է փորձարկվեն SpaceX-ի՝ Լուսնի վրա վայրէջք կատարելու համար նախատեսված մոդուլը (Starship Human Landing System) եւ Axiom Space-ի տիեզերական նոր կոստյումները:

2020 թ. դեկտեմբերից մինչեւ 2022 թ. նոյեմբերը նա աշխատել է որպես Տիեզերագնացության գրասենյակի ղեկավար, ինչը NASA-ի գործող տիեզերագնացների համար բարձրագույն ղեկավար պաշտոնն է: Վիկտոր Գլովերի համար սա եւս կլինի երկրորդ թռիչքը դեպի տիեզերք: Նախկինում նա եղել է NASA SpaceX Crew-1 տիեզերանավի օդաչուն, որը տիեզերագնացներին տեղափոխում էր ՄՏԿ: Այնտեղ նրանք մնացել են 168 օր: ՄՏԿ-ում 64-րդ արշավայանի շրջանակում Գլովերը որպես թռիչքային ինժեներ մասնակցել է գիտական հետազոտությունների: Նա նաեւ չորս անգամ դուրս է եկել բաց տիեզերք: Քրիստինա Համոկ Կոչը նույնպես կիրականացնի իր երկրորդ տիեզերական թռիչքը Artemis II առաքելության շրջանակում: Նա աշխատել է որպես ինժեներ ՄՏԿ-ում 59, 60 եւ 61 արշավների ժամանակ: Նա նաեւ

ԼՈՒՐԵՐ

ՎԵՐԱԿԱՆԳՆՎՈՂ ՀՈՒՇԱՐՉԱՆՆԵՐ

Մեկնարկում են 2023թ. պետական բյուջեով նախատեսված՝ պատմության եւ մշակույթի հուշարձանների վերականգնման աշխատանքները: ՀՀ ԿԳՄՍ Նախարարության պատմության եւ մշակույթի հուշարձանների պահպանության վարչության աշխատակիցները մարտի 30-ին այցելել են Տավուշի եւ Լոռու մարզերի՝ 2023 թ. պետական միջոցների հաշվին վերականգնվող հուշարձանների տարածք աշխատանքների մեկնարկից առաջ ի հայտ եկած խնդիրները տեղում քննարկելու, ինչպես նաեւ շինարարական հրապարակի պատշաճ կազմակերպման, կահավորման եւ անվտանգության տեխնիկայի կանոնների պահպանման համապատասխանությունը ստուգելու նպատակով: Այցին ներկա էին նաեւ վերականգնման աշխատանքներ եւ հեղինակային հսկողություն իրականացնող կազմակերպությունների ներկայացուցիչները:

Շարունակվում են 2022 թ. մեկնարկած ՀՀ Տավուշի մարզի Դիլիջան համայնքի Հովհաննես Շարամբեյանի անվան ժողովրդական արվեստի թանգարանի վերականգնման աշխատանքները: Այցի ընթացքում քննարկվել են 2023թ. նախատեսված աշխատանքները, քանդման աշխատանքների արդյունքում ի հայտ եկած՝ նախկինում (ԽՍՀՄ տարիներին) իրականացված վերակառուցման բացթողումների հետեւանքով առաջացած խնդիրները եւ հնարավոր լրացուցիչ ծավալների ավելացումը:

Աշխատանքային խումբն այցելել է նաեւ ՀՀ Լոռու մարզի Ալավերդի համայնքի Սանահին վանական համալիր: Չնայած այն հանգամանքին, որ Սբ Ամենափրկիչ եկեղեցու տանիքածածկերի նորոգման աշխատանքները նույնպես նախատեսվում է իրականացնել տարվա ընթացքում, դրանք դեռեւս շինարարական հրապարակի նախապատրաստական փուլում էին: Կապալառու կազմակերպության ներկայացուցիչների հետ տեղում քննարկվել են ջրահեռացման, ծածկասալերի եւ ներքին առագաստների քարերի փոխարինման խնդիրները:

ՏԱՐԵԿԱՆ ՎՃԱՐՎՈՂ ԲՈՆՈՒՄ

Ֆրանսիայի չեմպիոն ՊՍԺ-ի 24-ամյա հարձակվող Կիլիան Մբապեն ամեն մրցաշրջանում ստանում է 60 միլիոն եվրո լրացուցիչ բոնուս ակումբից չեռանալ համար: Մբապեի պայմանագիրը փարիզյան ակումբի հետ նախատեսված է մինչեւ 2024թ. հունիս, եթե այս տարվա ամռանը նա չակտիվացնի մեկ տարով (մինչեւ 2025թ. հունիս) երկարաձգման կետը: Մբապեի ՊՍԺ-ի ղեկավարությանն արդեն հայտնել է, որ չի երկարաձգի պայմանագիրը եւ հաջորդ տարի կստանա ազատ գործակալի կարգավիճակ: Transfermarkt-ը Մբապեի տրանսֆերային արժեքը գնահատում է 180 միլիոն եվրո:

ՍԵՐ ԵՎ ԾԻԾԱՂ

ԼՈՒՄՆԵ ԿԻՐԱԿՈՍՅԱՆԻ ՎԵՐՋԻՆ ՀՐԱԺԵՇՏԸ

Ապրիլի 3-ին հիվանդանոցում մահացել է ՀՀ վասակավոր դերասանուհի Լուսինե Կիրակոսյանը:



Լուսինյանի հրավերով աշխատել է Երեւանի դրամատիկական թատրոնում որպես դերասանուհի: Խաղացած ներկայացումներից են՝ Երվանդ Օտյանի «Սեր եւ ծիծաղ» (Նվարդ), Ս. Ստրատիեի «Ավտո-

բուս» (Կին), Ժորա Հարությունյանի «Քո վերջին հանգրվանը» (Սիրարփի), Բ. Շուրի «Շուրիլաղ ուտող զինվորը» (Լուկա), Գ. Արշակյանի «Այս աշխարհի փոքրերը» (Անահիտ), Մ. Մնացականյանի «Թաղի գավակը» (Սաթիկ), Պերճ Զեյթունցյանի «Կանգ առ երկրագունդ» (Սիրուշ), Ա. Մակայրի «Հալածված առաքյալը» (Մայր), Խ. Միլիանի «Ցիանակալիում... կաթոլ կամ առանց կաթի» (Վեներանդա) եւ այլն: Նկարահանվել է «Հեծյալը, որին սպասում էին» (1984), «Ավտոբուս» (1988), «Լաբիրինթ» (1994), «Սեր բակը 1» (1996) ֆիլմերում: Հեռուստադիտողի հիշողության մեջ միշտ մնացել է մնում է Լուսինե Կիրակոսյանի մարմնավորած Բոգի կերպարը «Վերվարածները ընտանիքում» առաջին հայկական հեռուստասերիալից: 2007 թվականին արժանացել է Հայաստանի վաստակավոր արտիստի կոչման, 2010 թվականին՝ ՀԹԳՄ «Արտավազը» մրցանակի՝ կնոջ երկրորդ պլանի լավագույն դերակատարման համար (Ցիանակալիում... կաթոլ կամ առանց կաթի): ԼԻՊԱ ԵՐԿԱՋԱՐՅԱՆ

● Ապրիլի 6-ին Երեւանի պատանի հանդիսատեսի թատրոնում տեղի կունենա «Բրեմենյան երաժիշտները» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 14:00-ին:



Էջը՝ ՌՈԶԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ որ դեղում կարող է անձը սահմանափակ հասնանդամություն:
Կարեն Պետրոսյան (54 տարեկան)



ՊԱՏԱՍԽԱՆ. Կ. Պետրոսյանի հարցին ի պատասխան՝ հայտնում ենք, որ հաշմանդամության խումբը սահմանվում է անժամկետ՝

ա) օրենքով տարիքային կենսաթոշակի իրավունք տվող տարիքը լրացած անձանց,

բ) վերականգնողական միջոցառումների հեռանկարի բացակայության, հաշմանդամի սոցիալական անբավարարության վերացման կամ նվազեցման անհնարիության դեպքերում, որոնք հետևանք են անատոմիական արատով կամ անդամալի կառուցվածքային փոփոխություններով կամ օրգանիզմի օրգանների կամ օրգան-համակարգերի ֆունկցիաների խանգարումով առողջության խթանումը պայմանավորված կենսագործունեության կայուն սահմանափակման,

գ) իրականացված վերականգնողական միջոցառումների անարդյունավետության դեպքում, որը բերում է հաշմանդամի մշտական սոցիալական պաշտպանության անհրաժեշտության (առնվազն 7 տարվա ընթացքում բժշկասոցիալական փորձաքննության ոլորտում իրավասու պետական մարմինների դիտման պայմաններում, իսկ 2 եւ 4 տարի դիտման պայմաններում համաձայն Հայաստանի Հանրապետության կառավարության 2003 թվականի հունիսի 13-ի N 780-Ն որոշման NN 2 եւ 3 հավելվածների),

դ) մեկ ակնազնի կամ մեկ աչքի տեսողության անվերադարձ բացակայության դեպքում:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Տեղեկացնենք, որ 1-ին խմբի հաշմանդամությունը սահմանվում է երկու տարի ժամկետով, 2-րդ եւ 3-րդ խմբերի հաշմանդամությունը՝ մեկ տարի ժամկետով, իսկ «Հաշմանդամ երեխա» կարգավիճակը՝ երկու տարի ժամկետով կամ մինչեւ 18 տարին լրանալը:

ԿԱՐԳ

ՀԱՐՑ. Ուզում եմ իմանալ, թե ինչդիսի տուգանքներ են նախատեսված արտադրական վստահավոր օբյեկտը ռեեստրում գրանցման չներկայացնելու եւ սեյսնիկական անվտանգության փորձաքննություն չանցկացնելու համար:
Իրինա Առաքելյան (39 տարեկան)



ՊԱՏԱՍԽԱՆ. Քաղաքացու հարցին ի պատասխան՝ հայտնում ենք, որ «Տեխնիկական անվտանգության ապահովման պետական կարգավորման մասին» Հայաստանի Հանրապետության օրենքի 21-րդ հոդվածի համաձայն՝ արտադրական վտանգավոր օբյեկտը ռեեստրում գրանցման չներկայացնելու ու տեխնիկական անվտանգության փորձաքննություն չանցկացնելու առաջացնում են տուգանքի նշանակումը՝ նվազագույն աշխատավարձի հազարապատիկի չափով (այսինքն՝ մեկ միլիոն դրամ):

ՀՀ արտակարգ իրավիճակների նախարարություն

«ԺՈՂՎՈՒՐԳ». Հրդեհային անվտանգության նորմատիվ փաստաթղթերը նախապես համաձայնեցվում են պետական հրդեհային հսկողության մարմինների հետ: Հրդեհային անվտանգության նորմատիվ փաստաթղթերով չսահմանված, հրդեհային անվտանգության ապահովման առանձին լուծումներ պահանջող հարցերի վերաբերյալ եզրակացություններ է տալիս պետական հրդեհային հսկողություն իրականացնող մարմինը (այն է՝ ՀՀ ԱԻՆ պետական հրդեհային եւ տեխնիկական անվտանգության տեսչությունը):

ԼՈՒՐ ԿԱՐԴ

Լուսանկարը՝ համացանցից



ԲԱԺԱՆՈՐԴԱՅԻՆ ԾՐԱԳԻՐ

ՀՀ կրթության, գիտության, մշակույթի եւ սպորտի նախարարությունը տեղեկացնում է, որ դպրոցական բաժանորդային համակարգի ծրագրին միացած թանգարանները, թատրոնները եւ համերգային կազմակերպությունները շարունակելու են աշակերտներին ընդունել 2022 թվականի տպագրված տոմսերով մինչեւ 2023 թվականի օգոստոսի 31-ը ներառյալ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	0 + 4 +14 + 18	Արարատ	+8 + 11 +22 + 25
Կոտայքի լեռներ	+1 + 4 +13 + 16	Արմավիր	+7 + 9 +22 + 25
Կոտայքի նախալեռներ	+5 + 7 +16 + 19	Վայոց ձորի լեռներ	0 + 3 +11 + 14
Գեղարքունիք	+1 + 5 +14 + 17	Վայոց ձորի նախալեռներ	+9 + 12 +22 + 24
Լոռի	+2 + 6 +15 + 18	Սյունիքի հովիտներ	+8 + 11 +25 + 28
Տավուշ	+4 + 8 +19 + 21	Սյունիքի նախալեռներ	+4 + 7 +17 + 20
Արագածոտնի լեռներ	0 + 3 +13 + 15	Արցախ	+7 + 10 +21 + 25
Արագածոտնի նախալեռներ	+5 + 8 +17 + 22	Երեւան	+8 + 10 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 4.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: